

Specijalna ishrana u osnovnoj školi Informacija za Vas koji ste staratelj

Zahtjev za prilagođenu ishranu

Sva djeca imaju pravo na dobre i hranjive obroke u školi. Važno je da je dijete pregledalo zdravstveno ili školsko osoblje kako se nijedna prehrambena namirnica ne bi nepotrebno isključila. Uz zahtjev priložite potvrdu ili izvod iz medicinskog kartona da dokažete potrebe djeteta.

Možete uložiti zahtjev za specijalnu ishranu ako dijete ima

- Alergiju
- Unakrsnu alergiju
- Preosjetljivost
- Intolerancija (za intoleranciju na laktozu nije potrebna potvrda ili izvod iz medicinskog kartona)

Ne trebate ulagati zahtjev za prilagođeni obrok kako bi dijete u školi dobilo vegetarijansku hranu ili hranu bez svinjetine.

Uložite zahtjev digitalno na web stranici škole

Obrazac za zahtjev možete pronaći na web stranici škole pod rubrikom "Školska hrana i jelovnik" [*Skolmat och matsedel*]. Ukoliko niste u mogućnosti da uložite zahtjev digitalno, možete predati papirni obrazac mentoru ili učitelju djeteta.

Potvrdite svake školske godine da je djetetu potrebna specijalna ishrana

S našom novom digitalnom aplikacijom, trebate unijeti zahtjev samo prvi put, a zatim ne morate ponovo unositi zahtjev sve dok Vaše dijete ne promijeni školu ili ima promijenjene potrebe. Prije svakog početka jesenjeg semestra, na e-mail ćete dobiti pitanje da li je zahtjev još važeći. Ako odgovorite potvrdno, ne morate slati novi zahtjev.

Trebate uložiti novi zahtjev ako:

- se djetetove potrebe promijene
- dijete promijeni školu

Zdravstvo ispituje potrebu specijalne ishrane

Prije nego što podnesete zahtjev dijete mora biti pregledano od strane ljekara. Uz zahtjev priložite potvrdu ili izvod iz medicinskog kartona kako biste dokazali potrebe djeteta.

Potvrda ili izvod iz medicinskog kartona

Dijete treba biti pregledano u okviru zdravstvene zaštite u Švedskoj. Potvrdu ili izvod iz medicinskog kartona mora napisati ljekar, nutricionist-dijetetičar ili medicinska sestra na švedskom jeziku.

Testiranje isključivanja prehrambene namirnice na kraći period

Možda ćete u vezi sa zdravstvenim ispitivanjem tokom kraćeg perioda morati isključiti neku hranu koju dijete jede. Za testiranje u školi morate uložiti digitalni zahtjev. Navedite u zahtjevu do kojeg datum će se testiranje provoditi. Po isteku perioda testiranja, morate podnijeti novi zahtjev sa zdravstvenom potvrdom ili izvodom iz medicinske dokumentacije.

Prestati sa specijalnom ishranom

Ako je zdravstvo utvrdilo da biste trebali testirati hranu na koju je dijete ranije bilo alergično, obično je dobro početi kod kuće. Ako dobro funkcionira kod kuće, dijete može imati kraći probni period i u školi. Obavijestite digitalno kada dođe vrijeme za to. Kada se ispitni period završi, morate obavijestiti školsku kuhinju da se specijalna ishrana ukida ili podnijeti novi zahtjev s novom potrebom djeteta za specijalnom ishranom.

Obavijestite školsku kuhinju ako će dijete biti slobodno

Ako će dijete izostati iz škole i ima specijalnu ishranu trebate o tome obavijestiti školsku kuhinju. Također trebate obavijestiti školsku kuhinju kada se dijete vrati.

Ako dijete ne preuzme svoje prilagođene obroke

Ako dijete ne preuzima svoju specijalnu ishranu tokom 14 dana i školska kuhinja nije dobila nikakvu obavijest da je dijete odsutno, specijalna ishrana će biti ukinuta. Ako će djetetu ponovno trebati specijalna ishrana, morat ćete ponovno uložiti zahtjev.

Kontakt

Za više informacija o specijalnoj ishrani u osnovnoj školi obratite se školskoj kuhinji ili zamjeniku direktora u školi.